



FA AYAMUHYEHYE SOM

Mber a idzi Agyenkwa no n'ayamuhyehye fasusu ekyir no, ibohu də ibotum dze nsesa aba binom hən abrabo mu.

Ayamuhyehye nye eruhu binom hən atsetsee nye pə a ɔka ho də ibegye hən anaa ibobo ma ɔaye har. Ahyemudzi də ibedzi Agyenkwa no ekyir ye ayamuhyehye ho ahyemudzi də "hom soasoa kor biara n'adzesoadze" (Mosiah 18:8). Edwuma də hwə binom hən do ye kwan a idze bəsom də mbə Agyenkwa no bəye: a "na binom a wəye anyanyan, hom nhu hən mbəbor" kā ho (Jude 1:22). Ewuradze hye de, "Na nyimpa biara nkyere mboborhu na ayamuhyehye wə no nua do" (Zechariah 7:9).

Agyenkwa N'Ayamuhyehye No

Nna ayamuhyehye ye Agyenkwa no som no farba (hwə afə hɔ: "Agyenkwa Ayamuhyehyen'i"). N'ayamuhyehye ma Ne mfefo maa ɔsoom hən a oetwa ehyia Noho mber pii. Ohunn nkorofo hən ehiadze na apədze no, Otumii hyira hən na ɔkyerəkyere hən wə akwanhorow mu a ohia ma hən dodow. Agyenkwa no ne pə də obepegya hən atra hən atsetsee no korakoraa nye ayamuhyehye edwuma: No Werdambə ma adasa hən bən na amandzehu.

N'ahom də obenya nkorofo hən ehiadze ho mbuae yə adze bi a yebotum aper enya ber a yesom. Ber a yebə

tsenenee bra na yetsie Sunsum ne nkenyan no, yebenya nkenyan də asom wə akwanhorow a mfaso wə mu.

Hən Ayamuhyehye ho Ahyemudzi

ɔsor Egya pə də Ne mba nya ayamuhyehye (hwə 1 Corinthfo 12:25-27). Yebəye esuafo nokwarfo a, otwar də yenya na yekyerə ayamuhyehye ma binom, tsitsir ara hən a wohia (N&A 52:40).

Yenam hen enuma ahyemudzi do fa Jesus Christ ne dzin to hen do a, yegye dase də yewə pə də yebəkyere ayamuhyehye. President Henry B. Eyring, ɔpamfo a Otsia Ebien wə Presidency a Odzi Kan mu no, kyerekyerə də Sunsum Krənkrən n'akyedze no boa hen ma: [Yeye] Jesus Christ n'Asər ahyemudzi ba. . . .

"Dem ntsi na itse nkā də ipə də iboa obi a ɔhye awerəhow na nkodzen adzesoadze ase a ɔreper də ɔbəkə kan no. Ebəc anohoba də ebəboa Ewuradze ma ɔama [binom] hən adzesoadze aye har ama woeenya awerəkyekye. Wəmaa wo tum də faboa ma dem adzesoadze no nye har ber a enyaa Sunsum Krənkrən akyedze no."¹

Mfatoho, akyerebaa bi a ɔwɔ Russia nyaa ebusua mu nkodzen bi a osiiw no kwan də ɔbəkə asər afe kor na no

mboree. Akyerəbaa bi a ɔwɔ nkorbata no mu dze ayamuhyehye som no Kwesida biara ber a ɔfrɛe no na ɔkāa nsem a wɔkāa, adzesūahorow, asempakā ɔfrəhorow, mbədōmamba a wɔawo hɔn, na nkorbata mu dawurbo ho nsem kyereɛ no. Ber a wosiesiee akyerəbaa a ɔnnkɔ asor n'ebusua mu nsem wieii no, nna ɔtse nkā də ɔda ho ka nkorbata no ho osian ne nyenku no ɔfre dapen biara no ntsi.

NSENSIN

1. Henry B. Eyring, "The Comforter," *Liahona*, Esusow Aketseaba 2015, 18.

NSUSUI AHOROW ANAN A IDZE BENYA AYAMUHYEHYE

Mber a ayamuhyehye taa nyin wɔ hənara hən nsɔhwɛ ekyir no, ndzəmba binom wɔ hɔ a yebootum aye no ndə yi dze enya ayamuhyehye. Hwɛ akwanhorow a ibotum dze fapem anan yinom edzi dwuma.

Bɔ mpaa fa nya. Ber a itotɔsere ɔsor Egya no, Obobuei w'akoma mu, na "ibenya nokwar nkātse dze ama binom hɔn onnyiewiei yieyɛ na enyigye" (*Preach My Gospel: A Guide to Missionary Service* [2004], 118; hwɛ Moroni 7:48) so.

Fa dzi dwuma. Ibotum akyerɛ ayamuhyehye ber a iritsie na eretse ase. Fa woho hye hɔn gynabew mu na hwɛ mbre hɔn nkātse si tse. Sɛ obeye ama gynabew na mber no a, ibotum aboa ma hɔn yaw, amandzehu, na ahohiahia no abreadze.

Dzi nkenyan do. Ewuradze botum eyi akwanhorow a yebotum dze akyerɛ ayamuhyehye akyerɛ hən a hənara yenntumii nnhui. Sɛ Sunsum no putsi wo də boa binom a, mma nntwentweɔn də idzi bedzi dwuma.

Yɛ nyenku māpa. Erekyerɛ ayamuhyehye botum aye mberew də mbre erekyerɛ nokwar ahohia wɔ nkorɔfɔ hɔn abrabɔ mu. Suā də ibetsie no asopa mu (hwɛ "Erosom ho Fapem: Ndzəmba Enum a Etsiefo Pa Yɛ" *Liahona*, Obiradzi 2018, 6–9). Wo dɔ ma hɔn benyin, na ɔbeyɛ mberew koraa də ibohu akwanhorow a ibekyerɛ ɔdɔ.

AGYENKWA AYAMUHYEHYENYI

Hwɛ də ibosua kyerɛwsəm yinom bi dze ehu mbre Jesus Christ n'ayamuhyehye kenyaan no ma ɔsa yarba, Ohyirae, na ɔkyerɛekyerɛ hɔn a wɔ No som dwuma mu no wotwae hyiaa No ho no: Matthew 9:35–38; 14:14; 18:27, 33; 20:30–34; Mark 1:40–42; 5:19; 6:30–42; 9:22; Luke 7:13; 10:33; 15:20.

Erosom ho fapem no bɔboa hən ma yeesüa mbre yebesi bɔhwɛ hənho nkorkor—ɔnnyɛ amandzəɛbɔ nsem a yerekekye. Sɛ yeba bohu hɔn a yesom hɔn no yie a, Sunsum Krɔnkron no bekenyan hən ma yeehu asem a wobehia dze akā hən tsema na aya-muhyehye ndzeyɛɛ ho.